



## বাংলাদেশে যুক্তরাষ্ট্রের রাষ্ট্রদুত হ্যারি কে. টমাস, জুনিয়র ঢাকায় এসে পৌছেছেন

ঢাকা, ১১ই আগস্ট -- বাংলাদেশে যুক্তরাষ্ট্রের একাদশতম রাষ্ট্রদুত হিসেবে  
দায়িত্ব পালনের জন্য রাষ্ট্রদুত হ্যারি কে. টমাস, জুনিয়র আজ সোমবার ঢাকায় এসে  
পৌছেছেন। বাংলাদেশে তার দায়িত্ব পালনের প্রস্তুতি হিসেবে ওয়াশিংটন ডি.সি  
থেকে ঢাকায় এসে পৌছানোর আগে রাষ্ট্রদুত টমাস পররাষ্ট্র দফতরের ফরেন সার্ভিস

ইনসিটিউটে বাংলা ভাষায় প্রাথমিক ধারণা লাভ করেন।

মিঃ টমাস ২০০১-০২ সালে হোয়াইট হাউসের জাতীয় নিরাপত্তা পরিষদের দক্ষিণ এশিয়া বিষয়ক  
পরিচালক হিসেবে কাজ করেন। রাষ্ট্রদুত টমাস ১৯৮৪ সালে যুক্তরাষ্ট্রের ফরেন সার্ভিসে যোগ দেন এবং এ যাবৎ  
নয়া দিল্লি, জিদ্বাবুয়ের হারারে, নাইজেরিয়ার কাদুনা এবং পেরুর লিমায় কর্মরত ছিলেন। এছাড়া তিনি পররাষ্ট্র  
দফতরের অপারেশন্স সেন্টারে সিনিয়র ওয়াচ অফিসার, উপ-পরিচালক এবং পরিচালক, রাজনৈতিক বিষয়ক  
আডার সেক্রেটারির বিশেষ সহকারী এবং আফ্রিকা বিষয়ক সহকারী পররাষ্ট্র সচিবের স্টাফ সহকারী হিসেবেও  
কাজ করেছেন। মিঃ টমাস স্প্যানিশ এবং হিন্দী ভাষায় কথা বলতে পারেন। তিনি পররাষ্ট্র দফতরের বিভিন্ন  
পুরস্কারে ভূষিত হয়েছেন। এগুলোর মধ্যে রয়েছে সম্মানসূচক “আর্ন্ল্ড র্যাফেল অ্যাওয়ার্ড ফর লিডারশীপ,  
মাটিভেশন অ্যান্ড মেন্টরিং অব কলিগ্স।” কলেজ অব দি হোলি ক্রস-এর একজন স্নাতক রাষ্ট্রদুত টমাস কলাম্বিয়া  
বিশ্ববিদ্যালয়ে উচ্চতর শিক্ষা গ্রহণ করেন।

রাষ্ট্রদুত টমাস তার মেয়ে কেসি মেরি ইউনিস টমাস-কে নিয়ে ঢাকায় এসে পৌছেছেন। তার স্ত্রী  
কঠশিল্পী এরিকা ও. স্মিথ-টমাস শীঘ্ৰই তাদের সাথে যোগ দেবেন।

=====

জিআর/ ২০০৩

দ্রষ্টব্য: এই নিবন্ধের ইংরেজি ভাষ্য ‘অ্যামেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে অগ্রহী হন, তবে  
‘অ্যামেরিকান সেন্টার’-এর প্রেস সেকশনে (টেলিফোন: ৮৮১৩৮৮০-৮, ফ্যাক্স: ৯৮৮১৬৭৭; ই-মেইল:  
[dhaka@pd.state.gov](mailto:dhaka@pd.state.gov) Ges Website: <http://www.usembassy-dhaka.org>) *thMithuM Ki "b/*